

KEK CHIFFON SAWI



BAHAN-BAHAN

| | |
|---------------|--------|
| Sawi | 200 gm |
| Air | 45 ml |
| Gula kastor | 120 gm |
| Telur | 6 biji |
| Minyak | 80 ml |
| Tepung gandum | 160 gm |
| Serbuk penaik | 1 tsp |
| Sedikit garam | |

KAEDAH

- Panaskan ketuhar pada suhu 180°C.
- Bersihkan sawi dan rebus dalam air panas sehingga lembut. Setelah lembut, masukkan daun sawi ke dalam air sejuk dan perah untuk membuat lebihan air.
- Potong akar sawi, masukkan sawi dan air disukat ke dalam pengisar *heavy duty*. Kisar sehingga halus. Tapiskan, ambil airnya, jika tidak cukup 150 gm tambahkan dengan serat sawi.
- Bahagikan gula kastor kepada 3 bahagian.
- Pecahkan telur. Asingkan kuning dan putih telur dalam mangkuk yang berasingan.
- Pukul kuning telur, bersama $\frac{1}{3}$ bahagian gula kastor. Pukul sehingga adunan kembang dan berwarna putih.
- Masukkan minyak sedikit demi sedikit ke dalam adunan kuning telur yang telah dipukul tadi. Kacau sehingga sebati.
- Kemudian masukkan puri sawi, kacau lagi sehingga kelihatan licin.
- Ayak tepung gandum bersama serbuk penaik dan bahagikan kepada tiga bahagian. Masukkan satu persatu bahagian campuran tepung sehingga habis ke dalam adunan kuning telur.
- Masukkan sedikit garam ke dalam putih telur dan pukul sehingga kembang.
- Masukkan $\frac{1}{3}$ gula kastor ke dalam adunan putih telur dan gaul sebati.
- Masukkan lagi baki $\frac{1}{3}$ gula kastor ke dalam adunan putih telur, pukul adunan sehingga kembang dan membentuk *meringue* (bertanduk).
- Ambil $\frac{1}{3}$ *meringue* yang telah siap dan masukkan ke dalam adunan kuning telur yang telah diadun. Kacau sehingga adunan menjadi licin.
- Sebelum menambah baki *meringue* ke dalam adunan kuning telur, *meringue* perlu dipukul sedikit sehingga "bertanduk" sekali lagi. Masukkan kesemua baki *meringue* tersebut ke dalam adunan.

- Adunan perlu disebatikan menggunakan teknik "kaup balik" iaitu adunan dikacau dari bawah ke atas secara perlahan menggunakan spatula bagi mengelakkan buih daripada pecah.
- Panaskan acuan kek (20cm) di dalam oven. Tuangkan adunan kek yang telah siap diadun ke dalam acuan yang telah diperpanaskan.
- Bakar kek chiffon sawi pada kadar masa 45 minit hingga 1 jam pada suhu 170-180°C.

PENGIRAAN KOS

| BAHAN | KOS |
|------------------------------|-----------------------|
| Sawi | RM 0.90 |
| Gula kastor | RM 0.48 |
| Telur | RM 2.10 |
| Minyak | RM 0.48 |
| Tepung gandum | RM 0.42 |
| Serbuk penaik | RM 0.05 |
| Garam | RM 0.01 |
| Jumlah kos | RM 4.44 |
| Anggaran hasil | 1 biji (20 cm) |
| Kos bahan 1 biji | RM 4.44 |
| Anggaran harga jualan | RM 15.00 |